

光緒睢寧縣志彙

光緒睢甯縣志彙卷第五

河防志

粵稽河瀆之去留地方之休戚關焉睢邑自漢以來始有河患瓠子一決而地濱淮泗者咸患懷襄矣蒲口一決而縣近濰潼者俱傷蕩析矣明代河經徐呂罹其厄者數十州 國朝災恤邳睢勒於書者十四次固已魚鼈其民蛇龍其窟矣然而開閘壩以減水石積猶存築隄堰以弭災帑金不惜今雖黃河遷徙而宣防之成案故老能談修築之成規舊章具在非源流厯溯則方略終湮也作河防志  
漢武帝元光三年河決濮陽瓠子東南注鉅野通淮泗元封二

光緒睢甯縣志彙

卷五 河防志

一

年夏四月瓠子河塞梁楚無水災

史記河渠書漢書武帝本紀

宋眞宗咸平三年五月河決鄆州王陵埽浮鉅野入淮泗命使

率諸州丁男二萬塞之踰月而畢

宋史河渠志

天禧三年六月河決滑州西南厯澶濮至徐州與清水古汴渠

合入於淮浸城壁不沒者四版遣使發兵夫九萬人治之四

年二月河塞

宋五行志暨河渠志

神宗熙甯十年河大決於澶州曹村北流斷絕河道南徙東匯

於梁山張澤灤分二派一合南清河入淮 即泗水 一合北清河

入海

即濟水

元豐元年決口塞

宋史河渠志

高宗建炎二年冬杜充決黃河自泗入淮以阻金兵

宋史高宗本紀

金章宗明昌五年八月河決陽武故隄灌封邱而東同知都轉

運使高旭等同往規措金史河渠志

元成宗元貞二年九月河決河南杞封邱祥符甯陵襄邑五縣

元史五行志

大德元年三月歸德徐州邳州宿遷睢甯鹿邑三縣河水大溢

漂沒田廬元史五行志七月河決杞縣蒲口塞之明年蒲口復決

塞河之役無歲無之元史尙文傳

仁宗皇慶二年六月河決陳毫睢三州元史仁宗本紀

泰定帝元年河行汴渠至徐州城東北合泗入淮禹貢錐指

明太祖洪武二十四年河決原武黑陽山東南至正陽鎮入淮

光緒睢甯縣志彙

卷五 河防志

二

故道遂淤明史河渠志

成祖永樂九年七月濬復故道自封邱金龍口即荆隆口下魚臺塌

場合會通河經徐呂二洪南入於淮明史河渠志

英宗正統三年河復決陽武及邳州越數年又決金龍口陽穀

隄及張家黑龍廟口而徐呂二洪亦漸淺明史河渠志又分道南

趨陳項入淮行水金鑑徐呂二洪遂淺澀明史河渠志自南宋以來黃

河遷徙靡常或趨陳項或經豐沛或由碭蕭或徙曹濮然邳

睢之受害者實未嘗一日安枕王暹云自正統十三年以來

從徐州出岸高水低隨濬隨塞蓋宣德初正流雖去而支流

仍下徐邳是以行水金鑑引宣宗實錄言宣德二年七月積

雨連旬直隸徐州河水泛溢衝決隄岸亦指小黃河支派偶

遇雨水泛溢也自洪武末至此逾久逾淺遂致北流益旺而

沙灣爲險工矣

代宗景泰六年命徐有貞爲僉都御史濬渠張秋會黃河南流入淮沙灣始塞

明史河渠志自此河出濟漕南歸徐呂邳睢

英宗天順七年河趨陳潁入淮河既通淮乃開沁水以達徐旋

復引河以合泗

明會典

孝宗宏治二年五月河決開封及金龍口分爲五道其東流者

泛濫於蘭陽儀封考城歸德以至於宿瀾漫四出不由故道

命白昂爲戶部侍郎治之昂濬宿州古汴河以達泗自小河

西抵歸德飲馬池

小河即睢水也俗又稱宿遷小河即睢水入泗處順治十六年歸仁隄決睢水趨南

黃河倒灌此口遂塞

中經符離橋而南皆浚而深廣之又疏越河十餘

光緒睢甯縣志彙

卷五 河防志

三

以殺其勢塞決口三十六由河入汴汴入睢睢入泗泗入淮

以達於海水患稍息

明紀事本末暨明河渠志

宏治七年十二月副都御史劉大夏築塞張秋決口濬儀封黃

陵岡南賈魯舊河四十餘里由曹入徐以殺水勢又濬祥符

淤河至歸德分由符離宿遷小河口入淮而北流天津南出

陳毫皆通河流八年正月黃陵岡等口皆塞於是上流河勢

復歸蘭陽考城分流逕歸德徐州邳州宿遷南入運河會淮

水東注於海南流故道以復

明史河渠志自此黃河大溜全行南趨入淮邳睢之患更勝於

昔矣

宏治十一年河決歸德工部管河員外郎謝緝言黃河一支先

自徐州城東小浮橋入漕河今上流於歸德州等處衝決與

黃河別支會流經宿州睢甯由宿遷小河流入漕河按黃河自徐州

以下明時藉以濟運故稱漕河黃河別支即白昂劉大夏所濬睢水其小河口北抵徐州河道

淺阻乞敕所司量為築塞疏濬遏黃河之水流入徐州以濟

漕且引沁水以濟徐呂二洪帝從其請行水金鑑暨孝宗實錄

宏治十三年巡按直隸御史曹玉奏河決丁家道口徐州並蕭

沛碭豐皆被河患請敕修築從之十七年五月淮安總兵官

郭鉉奏徐州小浮橋一帶乾涸有妨運道蓋由曹縣河決上

流淤淺所致乞行疏濬從之行水金鑑引孝宗實錄十八年河徙至宿

遷小河口入漕河不數年又徙至徐州小浮橋入漕明史河渠志暨

光緒睢甯縣志彙

卷五 河防志

四

行水金鑑黃河自宏治七年修理後尚在清河入淮十八年北徙三百里至宿遷小河口入漕正德三年又徙三百里至徐州小浮橋入漕嗣是又徙飛雲橋又決曹縣梁靖等口下游逐漸淤塞矣

嘉靖六年胡世甯言河東南一道自歸德宿州經虹縣睢甯至

宿遷出明史彙河渠志

嘉靖九年六月河決曹縣胡村寺東東南至賈家壩入古黃河

由丁家道口至小浮橋入運河一自胡村寺東北分二支一

東南經虞城至碭山合古黃河出徐州一東北經單長隄抵

魚臺傍穀亭入運河明史河渠志

嘉靖十三年秋河徙一出魚臺塌場口入運一從曹縣榆林集

南向徐州十月又決趙皮寨屬蘭陽縣南向亳泗歸宿之流日甚

東向梁靖之流漸微自濟甯南至徐沛數百里間運河悉淤  
命總河副都御史劉天和治之

行水金鑑引劉天和問水集

嘉靖十四年劉天和濬趙皮寨一百二十里至曹縣梁靖口又

二百七十餘里通單縣至穀亭入漕

行水金鑑引天和問水集明世宗實錄

嘉靖十六年冬從總河副都御史于湛言開野雞岡

在睢州

由丁

家道口入舊黃河截渦河水入河濟洪

此道既引水濟洪是仍由丁家道口下通

彭城也

嘉靖十九年河南徙決野雞岡由渦河經亳州入淮舊決口俱

塞其由孫繼口及考城至丁家道口虞城入徐呂者亦僅十

之二

行水金鑑引世宗實錄

光緒睢甯縣志彙

卷五 河防志

五

嘉靖二十一年鑿野雞岡上流李景高等口支河三導河東注

以濟二洪二十四年由野雞岡決而南至泗州合淮入海遂

溢蒙城五河臨淮等處

行水金鑑引明會典

嘉靖三十一年九月河決徐州房村集至邳州新安運道淤阻

五十里總河副都御史曾鈞上治治方略乃濬房村至雙溝

曲頭築隄自徐州高廟至邳州沂河

明河渠

是年又決房村至

曲頭集凡四處淤四十餘里命官濬之役夫五萬餘三閱月

而成

行水金鑑引明會典

隆慶三年七月河決自考城虞曹單豐沛抵徐州俱受其害茶

城淤塞漕船阻邳州不能進河水橫溢沛地秦溝濁河口淤

沙旋塞旋壅

明史河渠志

是年海嘯河水漲徐邳尚書朱衡開回

回墓上通昭陽湖以洩陂水滕沛利之

行水金鑑引南河全攷

隆慶四年翁大立言河在睢甯宿遷之間遷徙未知所定泗州

陵寢可虞

明史稟

是年七月黃河暴漲自徐碭以下悉成巨浸

決縣治之曲頭集王家口馬家淺等處運道淤阻

舊志

九月河

決邳州自睢甯白浪淺至宿遷小河口淤一百八十里糧艘

阻不進時茶城至呂梁黃水為兩崖所束不能下又不得決

明史河渠志

隆慶五年四月甲午河復決邳州自曲頭集王家口新隄都壞

是年自靈璧雙溝而下北決三口

油房曹家青羊三口見明紀事本末

南決八

### 光緒睢甯縣志彙

### 卷五 河防志

六

口關家曲頭集馬家淺閻家張擺渡王家房家白浪淺凡八口見河渠攷

支流漫溢大勢下睢

甯出小河而匙頭灣八十里正河悉淤命總理河道都御史

潘季馴速治呂梁雙溝決隄季馴役丁夫五萬盡塞十一口

濬匙頭灣築縷隄三萬餘丈故道以復

明史河渠志暨穆宗實錄

副使馮敏

公開復河道記隆慶庚午秋八月河決於睢甯之白浪淺既而白浪淺淤復決青羊淺又既而青羊淺淤河益分裂潰決

決而南為王家口張擺渡口馬家淺口曲頭集口決而北為曹家口其小口在辛安左右者七於是河流悉由決口南趨

睢甯平地為湖漂沒軍民田廬無算輕舟從此出小河口其

支分而北者出直河而正河故道自曹家口至邳之直河九

十里胥為平陸淤重艘九百三十隻糧四十餘萬石官民船

又數百自曹家口而上至曲頭直河而下至宿遷又九十里

河身淤淺不能通舟睢民昏墊運道阻絕於是起大中丞歸

安潘公於家俾治之公至博訪羣情時議多以為故道不可

復有欲因睢甯決勢而利導之者公謂河源盤折數萬里水

夾泥沙急則沙隨水滾稍緩則水漫沙停比年因水勢散漫

沙墊底高容受漸少每一泛溢輒便為患今舊河廣且百餘丈深且不測若仍復舊河中問小渠引水衝刷兩隄夾束使不散缺三字勢歸淺不能復深工力所及能有幾何伏秋水至必壅不下徐邳之間將成魚鼈此必不可羣議乃定於是遠邇議工役具畚築計餉糧大發淮揚徐及廬鳳山東河南

夫併徭淺各夫分司道官為五工統之公指示方略畫地課士以隆慶五年春正月十有六日肇役之公指示方略畫地課

舊淤糧艘及官民船皆由渠出時築決之工漸刷河流乃通凡口已完而曲頭馬淺王家三大口亦已有緒公方且調集椿草益急羣下或言急此何為但笑而不言翌日風雨驟作不

止兼以黃河桃花水漲會山東諸泉併至乃季春朔日水復大溢瀾漫淹浸莫辨湖河新舊隄防潰決殆盡復決閻家口油房口曲頭舊口之東王家舊口之西房家口青羊口白浪

淺口與諸小口凡四十三處羣情大駭役夫懼且潰公時患背疽乃裹瘡而出撫慰勞來身自督率示以必成眾志復定晝夜率作工料踵集隨用輒濟於是狂風挾水衝決之隄亦漸成四月七日麥黃水又大至益厲親守築口六月三日

光緒睢甯縣志

卷五 河防志

諸築塞之工咸畢先是淤河多淖沙立輒陷工不得施公命以木橫沙面掘半瀝水左右互倒水盡沙乾工乃得施決口懸溜數尺噴沫成雷負土入水輒便去公命以大埽截流緜以巨纜旁植巨椿其衝之處洶湍急椿折埽滾勢難猝就乃復相視緩急偃仰不能度卒復壓以厚土勢若岡陵所壓克定築隄捍水浮沙既不能堅而實土又為比年流沙所壓必深掘至尋丈及遠取於民間空基與隔河運取山土往來力役竟日不能數筐公命囊土程衡唱籌課役工功乃集於帆直上雖伏秋水三至懷襄徐城而曲頭以下凡百萬漕糧飛地皆得安流如故矣是役也用夫五萬人興工五閱月決口築塞者五十有八濬河以丈計者三萬二千四百隄以丈計者七萬五千有零椿柳葦以株束捆計者二十萬有零麻蒜以斤計者八萬四千有零所用河漕貯積撫按贖有零淮商稅及淮徐糧米總計僅十一萬有奇視初請未及三分之二而決口增築隄工高厚倍於原者三蓋公之經畫素定而復以身先故羣工率作罔敢不竭心力事半功倍其成之速如此既成後羣公又為之計久乃併修徐呂功其隄以束上流復成之故梨林房村之壩以善衝後之建鋪會設此



使當首事之初非公堅持復故羣役方且猶豫安能專意挑  
濬受役之始非公指授方略則河工多未閱歷安能悉協機  
宜垂成之際非公先事預備則臨時且將無指安能隨用取  
辦復決之時非公鎮定親督則眾心方且搖惑安能堅忍有  
成成功之後非公長計遠慮則人情方且懈弛又安能思及  
久遠而為之善圖其後哉繼自今拯徐淮數十萬之民命於  
既溺通國家數百年之運道於既湮而俾之勿壞者公之明  
德顯功遠矣哉時河南分司郎中張君純海防道副使今陞  
順天府丞傅君希擊山東管河道副使劉君庠君穎川道僉憲  
馬君豸與敏功分統五工而呂梁分司主事吳君自新則專  
督徐呂隄工河南副使董君霖則代馬僉事分統咸與其勞  
府佐縣正之分理者同知章時鸞吳文奇張崇謙韓應與通  
判李維東孫佶劉宗陶秦可大知縣宋伯華州縣佐貳百執  
事之趨役者若州同知馮環樊東昌判官劉縉主簿胡朝器  
范榮而下又五十六人云

隆慶六年河決靈璧柁灣北岸接邳州界方輿紀要尚書朱衡兵

部侍郎萬恭修築長隄北岸自磨臍溝迄邳州直河南自離

光緒睢甯縣志彙

卷五 河防志

林迄宿遷小河口各廷三百七十里費帑金三萬六十日而

成行水金鑑引明史彙衡上言徐邳為糧運正道既多方以築之則宜

多方以守之請用夫每里十人以防三里一舖四舖一老人

巡視伏秋水發時五月十五日上隄九月十五日下午隄願攜

家居住者聽詔議明史河渠志

萬曆元年河決房村沛縣密子頭至秦溝口築隄七十里接大

北隄徐邳新隄外別築遙隄而河稍安運道亦利行水金鑑引南河全

攷

萬曆二年河決邳州東婁兒莊等數口尋築塞之方輿紀要

萬曆三年八月河決桃源崔鎮遂灌邳徐方輿紀要

萬曆四年七月河決大水浸城三尺許百姓逃亡者三之一舊志

田廬漂沒無數明史河渠志

萬曆五年河復決崔鎮宿邳清桃兩岸多壞黃河日淤明史河渠志

萬曆六年河臣潘季馴築歸仁集隄四十餘里塞崔鎮等決口

百三十築徐睢邳宿桃清兩岸遙隄五萬六千餘丈明史河渠志

萬曆十七年六月黃水暴漲衝入夏鎮內河壞田廬沒人民無

算是年河決雙溝單家口築塔山羊山等隄明史河渠志暨明紀事本末

盛漲之時黃水大發合睢水注縣平地丈餘舊志

萬曆十八年大溢徐州水積城中者逾年眾議遷城改河季馴

濬魁山支河以通之起蘇伯湖至小河口積水乃消是時水

光緒睢甯縣志彙

卷五 河防志

九

勢橫潰徐泗淮揚間無歲不受患明史河渠志其年潘季馴築雙

溝馬淺社羊山格隄舊志

萬曆二十一年五月大雨河決單縣黃堍口一由徐州出小浮

橋一由舊河達鎮口閘邳城陷水中明史河渠志

萬曆二十四年漕臣褚鐵請塞黃堍口河臣楊一魁以為不必

塞請濬小浮橋沂河口小河口以濟徐邳運道以洩碭蕭漫

流培歸仁隄以護陵寢部議從之明史河渠志暨神宗實錄

萬曆二十五年四月河復大決黃堍口溢夏邑永城由宿州符

離橋出宿遷新河口入大河其半由徐州入舊河濟運上源

水枯二洪告涸一魁因議挑黃堍口且挑其下李吉口救小

浮橋上流數十里之涸一魁又言宏治二年全河大勢縱橫  
穎毫鳳泗間下溢符離睢宿未聞為祖陵患歸仁隄似可不  
築部議報可明史稟  
河渠志

萬曆三十二年正月部覆李化龍疏言河自歸德以下合運八  
海其路有三一由潘家口過司家道口至何家隄經符離過  
睢甯入宿遷小河口入運是名符離河為南路自蘭陽道考  
城至李吉口過堅城集入六座樓出茶城而向徐邳是名濁  
河為中路由曹單經豐沛出飛雲橋汎昭陽湖入龍塘出秦  
溝而向徐邳是名銀河為北路李化龍  
疏略

萬曆三十九年六月河決徐州狼矢溝南河  
全攷

光緒睢甯縣志稟

卷五 河防志

十

萬曆四十年春狼矢溝決口塞南河  
全攷是年九月河決徐州三山

衝縷隄二百八十丈遙隄一百七十丈明史  
稟灌睢甯諸處出

白洋小河復合正河方輿  
紀要黎林舖以下二十里正河悉為平

陸邳睢河水耗竭都御史劉士忠開韓家壩外小渠引水由

是壩以東始通舟楫明史河  
渠志四十年塞之南河  
全攷

萬曆四十一年秋七月河決徐州祁家店口城南胥溺徐州  
舊志睢

甯大水舊  
志

天啟元年河決靈璧雙溝黃舖由永姬湖出白洋小河口仍與

黃會故道湮涸總河侍郎陳道亨役夫築塞明史河  
渠志

天啟二年七月黃河口決圍繞睢城廬舍湮沒舊  
志

天啟三年決徐州青田大龍口徐邳靈睢河並淤呂梁城南隅陷沙高平地丈許雙溝決口亦滿上下百五十里盡成平陸

明史河渠志

崇禎二年四月決睢甯新安口至七月中城盡圯總河李若星請遷城避之開邳州壩洩水入故道塞曹家口匙頭灣逼水

北注以減睢甯之患明史河渠志是月大水衝城沒及女牆官舍

居民漂流一空舊志四年從御史吳振纓請修宿甯上下西北

舊隄以捍歸仁明史河渠志

崇禎八年劉榮嗣以駱馬湖運道潰淤創挽河之議起宿遷至

徐州別鑿新河分黃水注其中以通漕運明史河渠志

光緒睢甯縣志彙

卷五 河防志

國朝順治四年四月河決宿遷羅家口宿遷縣志

順治九年河決邳州城垣傾圯三日水退舊志邳州志是年河決睢甯

自鯉魚山南下逼武官營口遷塌民田三十餘里衝斷遙月

等隄十八道舊睢甯志

順治十二年決口塞復睢宿故道采訪

順治十五年決睢甯峰山口小河沙淤成陸宿遷縣志

康熙元年河決睢甯孟家灣舊睢甯志是年決宿遷下古城宿遷舊志

康熙二年河決睢甯武官營舊志

康熙三年河決睢甯朱官營舊志

康熙七年七月花山壩黃水溢邳州城郭全圯睢地河北諸社

本相毘連概入昏墊中采訪

康熙十一年秋邳城陷于水行水金鑑邳州決塘池舊城行水金鑑

引蒼是年宿遷蔡家樓又決宿遷縣志

康熙十四年決宿遷之蔡家樓舊淮安府志是年又決睢甯花山壩

口辛安黃山白山劉家莊董家莊青羊木社等處當其下衝

湮沒民田七百餘頃舊志

康熙十五年河決宿遷白洋河及于家岡舊淮安府志

康熙十七年冬靳輔請於黃河上流徐州及蕭宿等縣各建減

水石壩以洩黃河漲水奉旨允行行水金鑑

康熙二十一年五月河決宿遷徐家灣塞之六月河決宿遷蕭

光緒睢甯縣志彙 卷五 河防志 十二

家渡二十三年塞蕭家渡決口靳文襄公治河書

康熙二十四年詔從靳輔於碭山徐州睢甯等處加建減水牐

壩以資宣洩是年奏建牐壩成靳文襄公治河書

康熙三十三年河溢花山口同治徐州府志

康熙三十四年花山口河又溢舊志

康熙四十九年總河趙世顯建邳州北岸趙家莊挑水壩並上

下雁翅共長三十丈又修建羊山寺前挑水壩並上下雁翅

共長三十丈續行水金鑑

康熙六十年河決馬營口等處次年總河陳鵬年塞之河復故

道河渠紀聞暨南河通志

雍正三年六月黃河南岸睢甯縣朱家海大隄決口總河齊蘇勒率兵夫塞之未竣明年四月黃水陡長衝激東岸壩臺大埽蟄塌九段命廣督孔毓珣前往協辦十二月決口塞埽土建挑水壩大壩後加築越隄對岸開疏引河分傾下注功於是成續行水金鑑按江南黃河之險莫險於朱家口本名朱家海地極窪下土鬆底虛水聚不洩河勢自東北遂轉東南長灣頂溜埽不能立必開引河以順其勢建挑壩以開其溜然非長椿大埽則不能立壩非開寬引河則不能進溜非加長壩頭則不能逼流歸入新河而正當埽灣急溜洄漩曲注若埽頭挺入河心以攪其怒水逾暴橫而不馴決不易塞塞亦難

光緒睢甯縣志彙

卷五 河防志

十三

守是以經營二三年始獲葺事

河渠紀聞

雍正六年加帮睢甯縣黃河南岸王家堂縷隄長四百六十丈

續行水金鑑

雍正八年邳宿睢大水河復溢睢甯舊志是年秋海水肆溢睢地

水到黃河北大隄側人多逃於羊山能站不能坐危苦已甚

幸三晝夜水退然滷水畱於菑畬之田至今不能去采訪其年

創建邳州黃河北岸宋家灣樓崖埽工長三百一十丈續行水金鑑

鑑

雍正十二年八月邳睢黃河南岸王家堂對岸沙灘天開七河

一道險工永停修防

續行水金鑑引江南通志

乾隆元年高斌等奏黃河南岸徐州府碭山縣毛城舖舊有減水石壩一蕭縣王家山有天然減水石閘一邳州睢甯縣峰山有減水石閘四俱建自康熙年間誠分水導黃以水治水之善策因年久淤淺水發爲患查毛城舖原有洪溝河巴河爲減黃故道因閘下地勢東北高於西南是以水向南行漫入祝家口請於水涸後將二河濬令深通並挑寬河頭百餘丈再於二河上首逼近毛城舖口門處將舊有之蔣溝河疏通祝家口潘家口等築夾士大壩攔截南流務使減下之水盡入蔣溝洪溝巴河分疏下注則永城碭山一帶無淹漫之虞至天然閘下之水亦會入徐溪口閘下舊有引河中自齊

村橋至石埭集間被淤墊宿州境裏灰谷堆燕子口等處亦有淤淺應一律疏濬又峰山減水四閘歷年既久自閘塘以迄孟山湖六十餘里引河多淤應一併估挑

續行水金鑑引高斌傳彙

乾隆十四年高斌進呈河工圖二十條 一峰山四閘黃河至睢甯縣南岸有峰山龍虎山北岸有鯉魚山河從中行兩岸夾束恐致驟漲爲患康熙二十三年前河臣靳輔因山鑿建石閘四座以減洩黃水由焦官營入孟山等湖達於洪澤臣於乾隆三年循四閘故蹟量加修整近年上游毛城舖等處節宣有制水非異漲不致旁洩所以黃河日漸深通暢流下注河深則閘高現在二閘三閘俱仰於水面其頭四兩閘雖

地勢稍下然亦遇水無多是以臣於十一年奏明該閘洩水無多不遇盛漲之年無庸啟放河道民生兩資裨益

續行水金鑑引

南河成案

乾隆十八年九月銅山張家馬路河決全溜南注靈虹諸邑歸

洪澤湖由五壩洩入高寶諸湖十二月合龍河歸故道

續行水金鑑

鑑引河渠志稟

是年秋大水銅沛廳屬張家馬路漫口水由靈睢宿

下注出小河口歸洪湖

河渠紀聞

乾隆二十一年銅山北岸孫家集河水漫溢掣溜灌入微山湖

下及荆山橋河銅邳宿桃海沭諸州縣被淹

河渠紀聞

刑部尚書

劉統勳查參不能預防之咎會同富勒赫駐工督築復調白

光緒睢甯縣志稟

卷五

河防志

十五

鍾山來工會辦自閏九月初六進埽至十月二十九日堵合

續行水金鑑

乾隆三十一年八月河漫決銅山韓家堂漫溢之水經由江省

之銅山睢甯安省之宿州靈璧虹縣入洪澤湖十月李宏奏

報合龍

續行水金鑑

乾隆三十六年七月高晉奏毛城舖滾壩於十九日開放唐家

灣草壩後過水深一丈一尺六寸峰山閘亦次第開放亦資

分洩

續行水金鑑引南河成案

乾隆四十五年七月睢甯縣郭家渡漫口測量口門寬九十七

丈水深一丈八九尺至二丈一二尺掣動大溜十之七八其



漫水三股分流下注統歸洪澤湖南河成案十月二十七日南河

總督陳輝祖奏睢甯南岸郭家渡壩工合龍南河成案

乾隆四十六年六月初一日南河邳睢廳南岸魏家莊大隄漫溢寬一百十六丈越隄亦被衝場大溜奔注歸入洪澤湖河渠

志八月江督薩載奏魏家莊決口合龍南河成案

乾隆四十九年七月李奉翰奏徐城誌椿黃水長至一丈二尺三寸溜勢湧驟甚為湍急於六月二十六日飭將豐碭廳屬唐家灣引河即行啟放毛城舖滾壩過水深四尺三寸洩入洪河以達濰河循序暢注二十七日飭將邳睢廳南岸峰山四閘一併啟放各閘過水深八九尺至一丈一尺不等下注

光緒睢甯縣志

卷五 河防志

五湖以達洪澤湖續行水金鑑引南河成案

乾隆五十四年六月黃河上游甯夏萬錦灘沁河並漲徐城誌椿存水一丈五尺三寸初九日夜狂風驟雨睢甯南岸周家樓水漫過隄刷開隄身一百餘丈南河成案是月十三日書麟蘭

第錫會奏睢南魏家莊各段埽壩蟄塌搶護挑溜大埽危而得安河渠紀聞是月蘭第錫奏報睢甯南岸周家樓隄於初九日

夜漫水陸續塌寬二百三十餘丈水歸洪澤湖河渠紀聞十月周家樓漫口合龍共用銀二十九萬五千餘兩河渠志

乾隆五十五年七月韓鏞等奏初七日豐碭廳屬唐家灣引河黃水出漕漫灘湧注毛城舖致將西裏頭後鉗口土壩尾刷

寬二十餘丈嗣毛家莊一處業已挂淤尙有王平莊一處未

經斷流

南河成案

十月王平莊民堰缺口合龍

南河成案

乾隆五十八年六月書麟蘭第錫奏於本月十三日開放分洩

毛城舖石滾壩過水深一丈一尺下淤洪濰二河民堰先經

飭令州縣修築完整過水深為暢順第自十三日以後水勢

仍在疊長不消臣等察看情形自係上游發水較大誠恐各

工喫重復命將睢南廳屬之峰山二三兩閘一併開放藉資

分洩

南河成案續編

乾隆五十九年七月書麟蘭第錫奏黃沁洛三河同時長水下

注於二十三日隨飭將毛城舖減壩峰山二三四各閘一併

光緒睢甯縣志彙

卷五

河防志

十七

啟放過水並分赴南北兩岸督率道將廳營加謹防護

南河成案

續編

嘉慶十一年七月河決睢甯宿南廳周汛三堡刷寬至六十餘

丈由周家樓舊河形入沈家湖從歸仁隄出安河之陡門歸

洪澤湖

南河成案續編

八月鐵保等奏東北風大作宿南三堡漫口

處所溜忽大提離該處口門迤上六里之郭家房無工處所

全河大溜圈注直刷隄根八月初一日風狂雨驟頃刻淘深

數丈土隄登時陡蟄口門刷寬至八十餘丈

南河成案續編

九月鐵

保戴均元奏周汛三堡缺口業經堵合閉氣

南河成案續編

十二月

鐵保戴均元奏報郭家房大工於初五日合龍閉氣

南河成案續編

嘉慶十六年七月陳鳳翔奏邳北廳營縣拐山無工處所河水

加長搶救不及於初九日刷塌二十餘丈由花山湖歸順隄

三岔河入運南河成案續編八月總河陳鳳翔奏縣拐山決口合龍

嘉慶二十年三月黎世序奏睢南廳薛家樓前年九月漫水搶

堵之處應行澆築裏戩臨黃一面鑲做護埽以資防守邳北

廳縣拐山係嘉慶十六年搶堵之處內地低窪舊隄及圈堵

之工均難防守應築新隄一道以資捍衛而保無虞南河成案續編

嘉慶二十三年孫玉庭黎世序奏峰山四閘係康熙年間河臣

靳輔所建嗣因頭四兩閘掣水過猛患其奪溜自嘉慶元年

以後閉而不啟嗣因今昔啟閉未合遂與徐州道嚴烺等周

光緒睢甯縣志彙

卷五 河防志

回揆度查得峰泰兩山間山坡石腳相連中間空檔約寬二

十餘丈可以就勢鏟鑿作為滾水石壩南河成案續編

咸豐六年七月河決蘭儀北岸銅瓦廂由張秋穿運奪大清河

入海徐州河道遂涸同治徐州府志

邳北廳按邳睢靈璧三州縣黃河南北兩岸原設管河同知一員為汛三在南岸者曰靈璧縣汛曰睢甯縣汛在

北岸者曰邳州汛乾隆五十二年總河李奉翰題裁六塘同

知改為睢南同知專管睢靈南而河務而以邳睢同知改為邳州同知專管北岸隄埽嘉慶五年改

蕭南通判為同知而改邳北廳為通判

通判一員守備一員管轄睢甯邳州兩境黃河北岸工程上

自銅山縣銅沛廳屬大壩汛界下至宿遷縣境宿北廳屬皂

河汛界止縷隄長一萬九百五十二丈又無隄山岡長四子

七百四十六丈爲汛二曰董家塘汛日五工頭汛

董家塘汛今按屬睢甯縣境州判一員千總一員協防一員管堡夫

二十四名兵二百三十一名汛地自銅沛大壩汛界起至五

工頭汛宋家灣止隄長五千二百二丈 自交界起至廟山

止縷隄長二百五十九丈康熙十七年築 廟山起至縣山止縷隄

長五十八丈嘉慶十七年築 縣山起至虎山止縷隄長三百五十

四丈隄後有康熙二十六年所築縷隄起縣山止拐山長二

百七十六丈現作越隄 鯉魚山起至黃山止康熙二十六

年創格隄長一百三十八丈 蛟龍山起至馬家山止縷隄

長三百四十三丈康熙二十六年築 馬家山中間空檔縷隄長五

光緒睢甯縣志彙

卷五 河防志

十一丈嘉慶十五年築 馬家山至小峰山止縷隄長三百九十丈

康熙十七年築 小峰山起至青羊山止縷隄長二百一十丈康熙十七年築

康熙十七年築 青羊山起至五工頭交界止縷隄長三千三百九十九

丈康熙十七年築 內青羊山下乾隆三十三年以越爲縷者七百八

十五丈 趙家莊舊遙隄長二百七十丈又趙家莊後越隄

長八百六十三丈五尺康熙四十四年築 內上長四十四丈五尺已

塌入河中長一百九十九丈連上首遙隄作爲縷隄下長六

百二十丈現爲宋家房越隄又乾隆三十四年所築外越隄

長一百三十六丈又乾隆二十一年創築撐隄長二百丈內

上長一百八十丈連上首作爲縷隄 塘池越隄下抵羊山

越隄長四百七十丈康熙三十八年築接前至羊山止越隄長五

百二十一丈康熙二十四年築羊山起往南抵縷隄止格隄長一

百十七丈康熙八年築張王廟東越隄起格隄至七壩越隄止

長五百丈康熙十年築七壩埽工即董家塘後越隄至五汛宋家灣

工止宋家灣埽工連七壩長七百五十七丈一尺雍正四年築內在董汛

二百四十八丈一尺在五汛五百九丈

五工頭汛地屬邳州不備載

睢南廳按邳州靈璧睢甯三州縣黃河兩岸隄埽開壩工程原設同知一員管理乾隆五十三年裁汰六塘同知添設邳北同知專管北岸隄埽改邳睢同知為睢南同知專管南岸隄河開壩工程嘉慶八年添設宿南通判將本廳所屬睢甯境內戴家樓汛地自兵十堡起至宿遷界止隄長三千五百九十二丈分隸宿南至今因之

光緒睢甯縣志彙

卷五 河防志

同知一員守備一員管理靈璧睢甯兩縣境內黃河南岸隄埽工程上自銅沛廳屬銅靈交界小店汛界起下至宿南廳屬周家樓汛界止縷隄長二萬二百九十四丈為汛二曰王家堂汛曰戴家樓汛

王家堂汛靈璧主簿一員睢甯縣丞一員把總一員協防二員管堡夫六十六名兵二百十八名汛地上自銅沛小店汛交界起至戴家樓汛界止縷隄長一萬二千一百七十三丈

隄屬靈璧主簿汛地不備載

峰山石閘四座康熙二十四年建就山開鑿以洩河漲本無啟閉迨後河身漸高乃於閘外築壩以時啟閉乾隆二十二

年奏定以徐州城北門誌椿長水至一丈一尺開放頭閘再加長以次啟放三十五年後黃水過大頭四兩閘久閉不啟  
峰泰兩山間約長二十餘丈就勢鑿作滾壩水由壩下注  
遞達二三兩閘嘉慶二十四年建南北寬二十五丈為壩口  
東西長八十六丈為壩身名曰峰泰滾壩 閘下康熙年間  
所挑洩水引河由焦官營下達孟山湖其跡已無可攷乾隆  
四年總河高斌疏挑河長一萬一千九百八十七丈七尺水向  
西南入靈璧縣境之孟山陵子等湖達小河即濉河下注洪澤  
湖西堰至閘下起至魏家橋止長九千四百三丈皆乾隆三  
十七年創築閘河堰工歷次淤墊刷殘隨時培濬皆係民辦

光緒睢甯縣志彙

卷五 河防志

二十一

民守乾隆四十二年督河院議設堰長修守巡防

按靈璧縣志載貢震

所輯河防錄言河防志稱毛城鋪王家山閘壩康熙三十九年以後河底漸深水不過閘而於峰山四閘則未言其過水否也乾隆三年總河高公既經理毛城鋪復於峰山閘下開引河一道由睢甯馬家淺焦官營西南至靈璧之枕頭山入魚溝歸孟山湖圖說所謂將故蹟量加修築者也四年河成五年啟閘僅聞頭閘兩堰崩裂黃水散漫淹溺田廬河形旋失蓋此處地勢東北卑而西南亢水行不順故汗漫四出流緩而河停也震於上年八月登峰山南望見九頂山東有直河一道猶通舟楫歸而按之黃河舊圖乃知此即靳公時峰山閘也又重修睢甯縣志載峰山石閘四座閘下引河四道尾上總引河一道例係歲夫挑濬益信峰山閘引河在甯而不在靈璧矣此河路直而近勢順而捷可以經久司河者不深攷而別開新河於馬家淺之西致旋放於乾隆十一年河湖蓄洩機宜摺內有張家馬路決口後庸啟放之語蓋懲於往事而云然也往年盛漲之年庸員復議開峰山淤河震力爭之而止總之三處閘壩決於河有蓋於民有損而峰山四閘尤甚毛城鋪王家山減洩之水先入小神馬廠永堦諸河然後由洪溝濉河而下流遠而沙漸停其水出

櫓不過淹及窪地且或幸其積淤變為膏腴若峰山則壤接  
雙溝睢甯交界處田廬繡錯四圍高據山岡伏秋黃流奔猛  
之勢向內一洩又不順其就下之性欲其不橫溢為害烏可  
得哉且不獨民受其害也靈璧五湖向稱水櫃歷年黃水經  
過湖底墊高湖濱水涸地畝漸集每歲冬春水壩甚蓋因  
一線之流深不逾尺孟山以下歸集以上淤墊猶甚蓋因  
雍正四年睢甯朱家海口三載始塞虹泗睢宿連界處諸  
湖具飽一也乾隆五年峰山放閘導入魚溝孟山崔家兩湖  
淤高數尺二也十八年銅山張家馬路決口全河直趨孟山  
與清相抵泥沙悉停也睢河故道本由孟山北過潼郡集  
繞睢甯縣治後東至宿遷小河入黃自明天崇間河決  
睢甯故道湮塞乃由孟山前至睢甯縣南至找溝入祠堂湖  
百餘里間俱係湖溝並無河道黃水至此遂散漫停蓄矣若  
復開峰山閘則孟山以下歸仁集以上去閘最近之地將成  
平陸碭蕭永宿之水由濰河而下者何塗之從而歸於洪澤  
明白昂治開封之決濬宿州古濰河以達泗劉大夏治張秋  
之決開四府營於河由符離集出宿遷其出口之處俱在小  
河口白洋河二處潘季馴築歸仁隄以捍濰水湖水及黃水  
使不得南會於淮又遏諸水盡從小河以捍濰水湖水及黃水  
衝刷是明時濰河之水無入淮之路蓋恐害及高堰也自順

光緒睢甯縣志彙 卷五 河防志 二十二

治十六年歸仁隄決濰湖諸水悉由決口入淮不復入黃刷  
沙致黃水反從小河口白洋河二處倒灌淤成陸地斬文襄  
公建黃河南岸閘壩九座減水俱由歸仁隄五堡壩閘入洪  
澤此河道之一變也至雍正四年朱家海口歸仁隄五堡  
閘壩俱為衝塌泗虹宿桃之交諸河俱飽從前容水之地十  
存一二且烏鴉嶺沙礫被水衝刷聚於歸仁集如門限然此  
濰湖諸水所以不下而靈  
虹睢宿同受其病者也 清水潭迤南遙壩一道長四千三

百八十丈係遠年古隄久已殘廢 清水潭越隄六百丈又  
撐隄長四十丈 皆雍正 官莊越隄長五百六十丈 乾隆二  
年

築 武官營大越隄長三千三百五十六丈 康熙二十四年  
日武官營至余家堂止縷隄長二千四百二 賈家樓迤西  
十三丈康熙二十三年修築原屬睢甯縣汛

越隄長二百四十丈現作縷隄 乾隆四 朱家樓小越隄長  
一百四十丈 乾隆七 賈家樓迤南越隄長六百七丈現作

縷隄 乾隆元年築

王家堂大越隄長一千六百七十二丈 康熙三十八年

八年修築五十八年加築

小越隄長二百四十三丈 乾隆三十五年築為嘉慶十八年漫

工衝塌

房薛埽工後越隄長六百四十八丈西撐隄五十八丈

丈東撐隄四十四丈 雍正四年築皆衝廢

戴家樓汛地主簿一員 並管宿南廳屬周家樓汛千總一員協防二員 按嘉慶二十年添設一員

管堡夫三十八名兵二百二十五名汛地原管自

三汛界起至宿南蔡汛界止縷隄長一萬一千七百十四丈

內於嘉慶八年將兵十堡迤下隄長三千五百九十三丈分

屬宿南改為周家樓汛實縷隄八千一百二十一丈 按張書戴家樓屬睢甯縣汛自韓家莊起至古隄頭宿遷界止縷隄長六千一百四十一丈五尺康熙二十三年修築

戴家

光緒睢甯縣志彙

卷五 河防志

二十二

樓埽工後戴二堡迤南越隄長二百二十八丈 嘉慶七年築 陳

家莊西越隄長一百八十七丈 乾隆四十年築 迤上越隄長二

百六十丈 乾隆四十四年築 又越隄長四百丈現作縷隄 乾隆十二年築

又越隄長二百二十丈 乾隆四十四年築 又斜格隄長七十

五丈 乾隆四十七年築 戴工後大越隄長一千一百六十五丈現

作縷隄 康熙四十四年築 又小越隄長三百八十丈 雍正五年築 鄒

家莊後越隄長四百五丈 乾隆五十七年築 又外越隄長五百十

丈 乾隆七年築 江家房圈堰長四百四十丈 嘉慶元年築 韓家壩

大越隄長一千一百十八丈 康熙十八年築 郭家渡埽工後越隄

長二百六十八丈 乾隆四十四年衝塌 另築越隄長五百五十



丈乾隆四十六年築旋魏工漫口衝塌合龍後補築二百四十七丈現長五百三十七丈越隄內格隄一道長一百十

二丈已殘廢  
睢南廳册

### 河防說

周秦之時睢甯無河患也自黃河南徙奪汴貫泗達淮而河遂為虐於徐州惟睢甯之患尤甚蓋以朱家海王家堂戴家樓等汛往時黃河佔據之區即周秦泗水經行之處也攷水經註泗水發源於陪尾山在今泗水縣逕瑕邱縣今滋陽縣南逕沛縣今沛縣又東南逕彭城縣今銅山縣又東南逕下邳縣葛嶧山東今邳州又東南得睢水口在今宿遷縣又東南逕角城今清河縣治注於淮古下邳縣隸今睢甯木社店處其時泗水經過從不為患且

### 光緒睢甯縣志彙

### 卷五 河防志

二十四

清流貫注盪刷寬深縱有漫溢與田疇廬舍尚不致為災自漢武帝元光中河決濮陽瓠子東南注鉅野通淮泗而睢始罹河患兩宋三百二十年睢地罹河患者凡六太平興國八年滑州河決東南流而入於淮咸平三年鄆州河決浮鉅野入淮泗天禧三年滑州河又決合古汴梁入於淮熙甯十年河大決澶州南支合清河入淮建炎三年杜充決黃河阻金兵由泗達淮金明昌五年河決陽武故隄經封邱而東此其傾灌城邑衍溢田廬其為害於睢者豈可勝言及元而睢之被河患者更甚於宋元貞二年河決封邱祥符等五縣溜復東行大德元年徐邳宿睢等邑黃水漫溢漂沒田廬又決杞

縣皇慶二年河決陳毫睢而南河經徐邳泰定帝元年河行汴梁由徐州東北合泗入淮致和元年河決碭山虞城其下流不奪泗卽入睢元之享國僅八十七年而黃水之災流注於睢者六次有明代興睢邑之被河患者更厯厯可稽洪武元年河決曹州引河入泗以濟運永樂四年河決開封經州縣十四由懷遠入淮正統三年河決陽武及邳州徐呂二洪亦漸淺宏治二年河又決開封埽頭分爲五道其東流者泛濫以至於宿昏墊之災慘被睢甯者幾無樂歲然黃河南行未久泗渠淤墊猶未甚高淮瀆深通猶未遽壅海口暢行猶未過遏且黃河二瀆並行大溜未全南趨其害尙從未減乃

自宏治八年劉大夏築斷黃陵岡而黃河正溜全行奪汴入泗自是睢甯之患遂靡所底止厯正德而迄隆慶己巳此七十年中黃河橫決無定大都北行則經豐沛入運南行則經睢宿入運睢甯猶未顯被其害也隆慶四年河決邳州自睢甯白浪淺抵宿遷小河口百八十里之間橫流泛濫運道亦淤嗣是隆慶五年睢邳南岸決八口北岸決三口隆慶六年靈璧栲栳灣又決洪濤全注邳睢之三年間睢甯之害慘不可言自萬厯初於新隄外別築遙隄邳睢之河稍安然而萬厯十八年黃河水勢橫潰徐泗萬厯二十五年全河大勢縱橫潁毫鳳泗間漫溢符離睢甯萬厯二十九年河決單縣蒙

牆寺南流與淮會注於洪澤萬曆四十三年河決徐州三山灌睢甯諸處此四十餘年雖決口全在上游似與睢甯尚遠而睢甯之被患如故也天崇以來睢甯被害猶酷天啟元年雙溝河決出白洋與黃會天啟二年決河圍繞睢城廬舍漂沒崇禎二年辛亥口決睢城盡圯居民漂流一空有明一代睢甯之河患可勝言哉 國朝睢甯河患更難悉數其載於

南河成案者一決於鯉魚山順治九年再決於峰山口順治十三年

決於孟家灣康熙元年四決於武官營康熙二年五決於朱官營康熙三年

六決於邳州花山壩康熙七年七決於邳州塘池康熙十一年八決於

劉家莊青羊木社等處康熙十四年九決於朱家海雍正元年十決於

光緒睢甯縣志彙

卷五 河防志

二十六

郭家渡乾隆十五年十一決於魏家莊乾隆十六年十二決於周家樓

乾隆十四年十三決於郭家房嘉慶九年十四決於綿拐山嘉慶十六年此

二百年來決而南則瓜萆木橋湖山等社罹其災衍溢而注虹泗決而北則白山青羊董莊等集受其患浸淫而注邳其流離顛沛之狀民未嘗一日安枕而其害之極鉅者則莫如毛城舖虎山腰峰山等閘壩何則睢甯所恃以宣洩洪流者濰潼兩河耳毛城舖之壩虎山腰之閘每經啟放泥沙悉停濰潼兩河而峰山四閘高據山岡伏秋黃流奔騰之勢橫溢之患與決口等而濰潼兩渠宣洩之區全行淤塞故雖黃河遷徙而伏汛秋霖勢成倒漾尾閘壅遏歲歲成災往年睢

水旋繞城垣者今則悉成平陸淤墊之患勢不能不歸咎於  
閘壩矣究之治河善策仍以靳文襄公混江龍爲成法往來  
爬剔河不停淤不獨海口暢注卽蘭儀以東之河身亦逐段  
不憂壅遏以故混江龍一設而四十餘年黃河不爲大害睢  
甯民力稍紓混江龍一停而黃河日淤日高遂不可救藥致  
釀成銅瓦廂之決幸而黃河奪濟由東省歸海不復南趨徐  
睢稍能安戢設使蘭儀決口蚤能堵塞則此二十餘年睢隄  
之決又不知凡幾雖然黃河今日之勢未可以爲定也濮范  
壽東等處地勢曼衍隄堰卑薄黃水極易淤墊儻爲日久太  
河底墊高勢必至大溜南趨由會通河貫入泲河合泗沂兩

水漫入南陽微山等湖不獨遏運且以金魚沛邳爲壑則木  
社占城等集洪流泛濫患且十倍於侯家林石莊戶之決此  
其害之在北岸者固難叻矣而南岸之變遷則猶可慮中牟  
距蘭儀上游素稱危險銅瓦廂決口日漸淤高不數十年濁  
河壅遏又將釀而爲中牟之決奔騰澎湃其患必中於蕭碭  
靈睢此雖今日無形之患而實將來必至之憂也願司河者  
思患豫防而弭害於未萌焉則幸甚

